

特 告

來春大會地址之佈告

啓者。來春正月大會。仍照舊議擬分兩日。初五日。在狀元坊油步巷入賢樂里內第廿九號門牌正頭行會館爲會所。初六日。即在長壽大街會所內。到時十二打鐘齊集開會。遲到不候。各同人務祈依時踴躍赴會爲盼。此佈

來春大會議案之佈告

再啓者。來春大會。所有議定議案謹遵社章。將每日提議事項。先行佈告。◎第一日初五提議(一)投筒選舉本社職員事(二)訂定分社章程事(三)建築會所經費不敷事(四)宣佈關於第二日議案及同人獻議事項◎第二日初六提議(一)獎送職員酬語事(二)同人郭君靜池善後事(三)同人獻議事(四)宣布全計數目事(五)茶會●以上兩日。本社共提議事項八條。務請各同人預行研究。以備時赴會決解。至一切辦法。均照前次大會辦理。并屆期不到。作爲默認。此佈

請交經費之切告

再啓者。本社經費困乏。籌款孔亟。久在同人洞鑒之中。是年同人所認經費。莫不同心踴躍。足見維持社事之心。溢于言表。惟現查同人已認未暇到交者尙有其人。務請明正赴會。携到交妥爲望。此佈

正副社長謹啓

社聞

●十二月十五例會情形 月之十五星期日。爲本社例會期。是日到着。有徐君季直。楊君敏達。陳君伯宏。何君貫俠。凌君清臣。是日何君貫俠提擬一條。(一議鄙人前担任放出社款。無論到期與否。概盡年內由鄙人先行墊還。應交何人担任放出之處。請議決。)決議如下。(衆議社款既經何君允代墊還。則暫存會計處。應交何人担任放出。則將入正月大會提議事項。)

●預交基本金二十三誌 茲張君叔穎。是期新列社員。即將五期基本金一次交足矣。又勞君俊業。亦已將二三四五期基本金清交矣。餘未交者。是真忘之耶。

●入社五十三誌 茲謝君季騰。介紹張君輝權。(別字叔穎。年卅九歲。番禺大石鄉人。寓廣西大湟江穗昌平碼頭。郵寄全。)入社。又陳君草澤。介紹馮君紹榮。(別字漢荃。年二十歲。順德馬岡鄉人。寓興隆北昌棧雜貨號。郵寄全。)入社。均經調查清楚。社長認可。張君已將五期基本金一次交足。馮君亦已照章交第一期基本金矣。

●担任月捐本社經費二十二誌 茲黎君耀生。梁君卓雲。各認本年經費銀肆元八毫。又呂君錫疇。梁君清泉。各認捐本年經費銀二元四毫。馮君漢荃。認捐本年經費銀一毫云。如各君者。誠熱心矣哉。

●應交本社經費十七誌 茲江君述堉。曹君祖仲。朱君養初。黎君耀生。梁君清泉。梁君卓雲。呂君錫疇。李君顯三。勞君俊業。何君昆池。吳君煥乾。馮君漢荃。各已將認定經費交矣。餘未交者。毋再延緩可也。

●已交二期基本金二十八誌 茲朱君養初。已將二期基本金交矣。

●同人應盡之義務 郭君靜池仙遊。同人量情致送奠儀。已兩誌前書。茲繼復有關君冕

埠一元。謝君鈞彝四毫。蒲君贊武三毫云。有未送者。請盡個人之義務可也。

●領徵驗章備回價值者十五誌。茲勞君俊業。助回銀三毫云。未領者。請到領取毋緩。

●映交相片四十四誌。茲劉君善銓。已遵章將相片交懸會所矣。餘未交者。豈慮人認識耶。

●嗚呼吾社幾失信用矣。本社最重感情。互相信用。久爲外界同稱。不意副社長何君貫俠之穗興銀號。被別家拖累。附家羣起風潮。遂至于本月十六晚。何君見無可挽救。遂卽于是晚請盤。同人亦有被其累及數千。均紛在會所集議。羣謂何君無信云。所聞如是。容俟查確。再行詳細登錄可也。

●正社長關心社款。副社長何君貫俠之穗興請盤。正社長何君少海聞此消息。卽于十七晚集議于會所。云社款有六百餘兩。由彼放出。現應如何維持之處。請議。衆均推少海君直接向貫俠君將社款刻日收還。先行存放。俟明正再議。少海君。遂卽函請會計。將各單據繳到查閱。并偕同楊君敏達親到穗興見貫俠君。問及社款可否卽行提出事。據云該放出之款。擬由潘君貞廉交還。少海君隨卽電詢潘君。現經接潘君復電該款可代交還云。噫。社款爲吾同人之血汗。無怪正社長聞報失驚也。

●正誤上期微言內息。茲在茲句釋誤息。社員郵寄易址。史君東屏。郵寄寓址。省關部前街。山陰史寓。各同人請自更正可也。

函 件

正社長上同人函

敬啟者 鄙人謏陋。蒙同人不棄。舉連四任正社長。自接事以來。毫無進步。無以告慰于

同人。撫心良愧。查社章第二十一條。任事員連任不得逾四次。是鄙人明正選舉已在退出之列。然鄙人何人。去者不拒。來者可追。明正選舉之正社長。必雄才大度。將爲我社前途造莫大幸福。必不如鄙人之庸陋者也。是則鄙人與諸君皆有厚望焉。臨楮不勝。謹此并請均安。四任正社長何球上言。

鳴謝同人

僕承股東之重托。同事之委命。安分經營。歷有多年。自烟禁森嚴。更加鄭重。原有章程。罔敢或越。乃有南番禁烟局委員。藉端搔擾。貽害商場。久已見之報章。無待僕之喋喋。小號月前無辜硬罰。夥伴被囚。因而拘屈莫伸。昭雪無期。此即所謂欲加之罪何患無詞之罪名也。然處諸專制政體之下。故莫奈伊何。惟有徒喚奈何而已。幸蒙同人。劉君善銓。俞君愷儔。何君貫俠。憐僕之屈。憫伴之冤。毋辭勞瘁。奔走不疲。舌敝唇焦在所不惜。然尤以劉君爲最得力。出入衙署。代爲斡旋。得免追繳營業牌照。雖罰款而伴得早釋。今日得以安業如初者。皆賴三君之賜也。僕感德良多。愧無由報。特登書鳴謝。以誌弗忘。并表彰三君不忘本社互相維繫宗旨云爾。

僕蘇伯鏗恭頌

同人獻議議草

提請推辦振興土貨會議草

襄武

我國貧弱。夫人知之。總其大原。不外土貨滯銷。洋貨充斥。有以致是。年來經濟界惡潮頻湧。因而牽動倒閉者。輒幾千萬。隱憂日亟。後患方長。烏知夫燎原之火。乃發於至纖至忽之國人喜御洋貨心。此其故當在後方淺說發明之。月前徐君季直。梁君

威如等。與僕發議及此。擬由本社推辦振興土貨會。謀挽救於萬一。兼辦土貨陳列勸銷所。而善其後。僕維推辦此會。誠吾社所宜有事。為今日刻不容緩之舉。而兼辦此所。實未宜牽混同舉。蓋振興土貨會也。宜會員之普及。於一般社會。砥柱狂流。若土貨陳列勸銷所。則宜另辦。乃免會員人多流襍。干涉其中一切事權。反成尾大不掉之勢。而於振興土貨會之推辦。亦宜以本社為主。會員誠貴其多。流品不免於襍。故章程擬定。必先聲出為本社所推辦。有贊成者。僅收徵章費若干。給回徵章。作為普通會員。有勸銷土貨之義務。章程復宜疎節濶目。僅舉其綱。辦法一由本社自主。緣起務求淺明。用期普通知覺。現屆大會。謹撰擬此會緣起章程。提請臨時公決。

協羣商業研究社推辦中國振興土貨會章程緣起（淺說）

諸君。亦知我中國今日貧弱之甚乎。幾年間。口倒閉。動過幾千萬。為數千年來我國所未見。生意家則本錢短。米飯貴。生意少。利錢薄。一艱難也。耕田家則時歲不好。物件俱貴。人口又多。食用加倍。二艱難也。手作家則人工賤。萬物貴。求食多。行頭爛。三艱難也。至如有錢者。則家用大。收租微。放銀則被撻。做生意則虧本。四艱難也。貧窮者想做担担小買賣。則生意難靠。想俱咕哩拾担。亦人多工賤。食用難以支持。五艱難也。其餘百樣。無不艱難。一言難盡。究其原故。世界如是艱難。實因何事。此無他。我國之土貨。件件滯消。外國之洋貨。日日多來故也。土貨滯銷。則手作家耕田家第一受害。生意家次之。洋貨日多。則其害不勝言矣。彼以物件博我錢銀。物件愈多來。錢銀愈多去。一旦錢銀短滯。生意倒閉。破家蕩產。撻欠牽動於他人。由是一國之人。同受拖累。猶如有十個人。內中得十一文錢轉動。則爾手交我手。必有一個多一文。忽然有外人到來。奪去一文。則此十人之錢。每人僅得一文。

。再被奪一文。則十人中有一人手上無錢者矣。更奪去二文三文。則十人中有二人三人無錢者矣。此一人二人三人手一無錢。便猶如某庄口倒閉。錢銀短少。實因被人奪去。現在外人以洋貨博我錢銀。則猶之十人手上錢被奪一理也。故此近年總覺得物件艱難。實因錢銀日少也。外國人何以如此富強。第一因好講求實業。物件精良。博得人錢。兼且本國人愛回本國貨。雖有時外國貨精良價賤。本國貨粗陋而貴。亦必買本國貨。而不買外貨。人人堅心。錢財便不至流出外國。本國貨又能逐漸改良。博人錢財。故外國人之富強。實由此也。我國人不欲富強則已。如欲富強。自必先能振興土貨。凡一事一物。俱要買土貨爲上。試看街上無處不是洋貨。人之一身。人之家內。亦多用着洋貨。年中計數。買洋貨者去銀幾多。中國四萬萬人。一人一年買洋貨銀二元。合計年中已去了銀八萬萬元。此銀一去不回頭。焉得中國不年窮一年。卒至因窮亡國而止。如果買土貨。則年中雖去銀十元。此銀亦在本國內流動。本國銀多轉動易。則世界易撈。百樣都好。諸君試想買土貨有如此之好處。何苦不立起志氣哉。現在本社擬推辦振興土貨會。就是爲此意思。諸君係熱心者。愛國者。想本國世界易撈者。不妨入會。大家擔任此事。此事自己求自己。自己爲自己。易辦而有益者也。章程列下。

中國振興土貨會章程

第一條(宗旨)本會以振興中國土貨爲宗旨。餘事不理。

第二條(會員)凡有志振興中國土貨。願守會章者。俱可入會。會員中有非法等事。不能涉及本會全體。

第三條(會費)入會之員。祇須交徽章費八毫。給回徽章一個。認爲普通會員。餘無別項費

用。會費不足。係由協羣商業研究社撥支。

第四條（義務）普通會員。應担下列之義務。

一本員一家一身。非萬不得已。誓必買用中國土貨。

一會員之朋友親戚。本員均有勸其買用中國土貨之義務。

一本會範圍內事。有須會員担任者。當熱心担任之。

一本會祇守文明舉動。自川土貨。如有會員以非法強制手段行之者。便違本會規則。應

非會員。

第五條（會議）如有特別事故。須請會員會議者。隨時刊發傳單及登報召集。

第六條（任事員）本會經費。既由協羣商業研究社撥支。會長書記等員。亦由協羣商業研

究社當年社長書記等員兼任。

第七條（辦事所）本會辦事所。即假座協羣商業研究社所爲之。

第八條（附則）章程未盡事宜。及一切辦法。當隨時商定。

協羣商業研究社公訂

提請仿辦永益會集欸濟社議章

襄武

本社成立。亦閱五年。經濟問題。羣然束手。始也熱心者割私利而濟公費。繼也衆同人認捐借而救目前。均非所以持久之道。僕雖劣吝。惟對於爲社籌欸之議。無不贊成照行。誠見夫本社欸絀。有岌岌不可終日之勢。若無以濟其危。是失辦社之初心。貽議社外也固可懼。孤立無援也終可憂。今已矣。捐借之力。當處於窮。辦社籌欸。勢難中輟。昨七月之會。爲社籌欸者。潘君貞廉有商業維持報之議。陳君雲舫有永益會之議。潘君之議。今既有成。目的是否達到。是富有俟。愚以爲無論潘君之議。能否

達行。而永益會之利而易行。終當兼進。本社底款毫無。年倚捐項。辦報而成。祇能暫持而養社。要難積重而壽社。豈猶年求同人苦竭之捐而積之乎。是何如為有益本社無損同人之永益會之為愈也。永益會之利而易行。僕前論已舉其概。今贅陳之。

一 永益會祇求一百六十份。本社同人現約二百。不必人認一份。而已足其數其易一。

一 該會年開二次。每次供銀五元。即不投中。亦年供十元而止。其易二。

一 該會以得銀少者為投中。如第二會有能將會本完全不收者。則得銀必為最少。必能投中。此後可以免供。所費亦僅五元。其易三。

一 捨會本之數元。免年年之認捐其易四。

一 該會以前次投餘之銀。撥歸下會再投。則欲養會者。最後必獲鉅利。其利五。

一 本社共開會十二年。得銀及萬。其利六。

以上六者。僕因前言之。惟僕現更為會首厚利起見。擬將此會改為報投之銀。以一半撥社。以一半留歸下會再投。則利更無窮。而做會者亦無其損。蓋做會者第一次供首會銀五元。第二會開會。由首會將本銀五元。交出開投。如第二會有人願完全不收。則其得銀最少為投中。第三會將此投餘之銀五元。另此次應出會本及利銀十元五毫。統行交出開投。則此會開投之銀。便為十五元五毫。計供過銀僅十元。而有十五元五毫歸此會開投。其利之厚為何如。即全不以投餘之銀留交開投。亦已有利五毫。固無損於同人矣。故僕擬將投餘之銀。一半撥歸本社。一半開投。猶未為過也。我同人熱心愛社。割私濟公。猶將為之。况無損而有利乎。此僕之所以亟再提出。切請同人以社為重。敬候通過照行也。

社 說

本社辦事當持毅力以責後効（初續）

贊 武

今本社者。語其歸宿。固欲協合大羣。而研究商業者也。然我國民氣薄弱。尙魯魯汶汶。而爲人所制。莫非其非。竟如一盤散沙。羣力之不充久矣。且自海禁既開。利權坐失。江河日下。工商困難。商業之不講亦久矣。嗟乎嗟乎。歐風美雨。滾滾神州。如狂風怒潮。橫渡大西洋。使不急起直追。力圖補救。有不爲印度瓜哇緬甸安南之續哉。我同人既深慨乎此。發起斯社。則本社關繫如是其重大。苟無毅力以持之。將何以責後効乎。自其大而言之。固不能爲國家圖富強。即其小而言之。亦雖爲箇人謀幸福。同人對於本社辦事。果可無具如此偉大之力歟。然天下事。一鼓作氣。再而衰。三而竭。鮮克有終者。是以習然日忘。熱度漸縮。社事由此而腐敗。羣情相因而散。不能鼓勵毅力。以責後効。而本社實有自餒之勢。實不得不言者。亦不忍不言者。謹將社事之敗。以爲我同人告。諒我多數熱心社事之同人。當不以狂妄發言見棄也。一曰職員用事之意氣。夫職員者。爲一社之主腦。同人之代表。對於全社之前途。實有密切之關繫。其存亡興廢。而在此決之。其責任所在。可不重乎。故必須全身許社。黽勉從事。各盡其責。促其進步。方可告無罪於一社。慰同人之希望。是其職分所當爲。而義不容辭者也。而本社職員有不然者。籌辦社事也。輒以意氣用事。演成怪劇。或辭任事之不暇。或置社事於罔聞。而冷於社會之觀念。由是袖手旁觀。放棄責任。即有方其始也。踴躍任事。未常疏忽。曾不轉瞬。煙消雲散。亦安放棄矣。鮮見有盡心竭力。圖厥始終。確能任事爲本社謀發達者。吾觀歷屆之選舉。有餘慨焉。嗚呼。出

押毀積。是誰之過。顧亭林曰。天下興亡。匹夫有責。又曰。以天下爲己任。我社職員之辦事也。願三復斯言。

一曰經費捐輸之冷淡。大凡天下事。欲謀偉大之事業。必有偉大之經濟以爲後勁。乃可達其目的。故鄙語有言。非財不行。况今本社籌辦社事。在在需財。而款項微薄。支策孔殷。必須同人踴躍捐輸。集腋成裘。乃能收日後之良果。而同人既具結社殷情之熱心。又何吝區區之資財乎。然鼎力捐輸。多助經費者。固大不乏人。乃有不特不竭力維持。以達其目的。且反袖手旁觀。放棄責任。捐輸之冷淡若此。而應辦社事。經濟困乏。就能極力擔任。以投楹茨之錢乎。嗚呼。無米之炊。巧婦所難。人不敷出。無以繼後。本社經費。可不孜孜注意耶。然捐輸之策。彌補經費。可暫不可常。聊救燃眉之急。實不得已之舉。亦不能一概而論。(仍本完)

第一次布告同人書

謝鈞彝

僕初。得覽本社章程及社書。見夫嚴密之規則。高尚之人羣。心焉傾慕。庚戌二月。荷承關君晃輝。介紹入社。得社長同人見許。而何君貫俠。復由關君朱君指識。遂相往來。查貫俠君爲穗興銀號東主。而兼行街職。又爲本社副社長也。夫社章首重協羣。社旨又首尚道義。則舉凡銀兩事物來往。寧與同人交易。以爲遠勝外人者。誰曰不宜。溯小號天泰恒。自與穗興交易。曾付交日息銀數次。除收復外。尙有十月廿八。付存壹仟兩。係年底到期。至臘月九日。傳聞穗興號。有落架消息。小號復因銀兩需用。當即函約貫君到談。實欲探問緣由。兼與揭用日息。此固商場通例。亦經手責任所應爾也。乃竟日不蒙賁駕。及晚。僕即踵穗興店。向貫君商懇代籌借日息千兩。荷蒙允准十二日送來。僕自信商場最重然諾。况在首尚道義之同人。况在身任表率。滿

口道德之副社長。則勿論該店有無意外。敝店款可以無憂。交易社友之遠勝外人。於斯足見。詎十一日。貫君乃轉挽關君晃埠。向僕申說彼號本無意外情事。(奇)謂僕有疑彼號之狀態。(奇)囑僕付款。毋庸恐慌。(何以知人恐慌)到期必定交還。(已自肩任)昨日應交之項。着弟另籌等語。十二午。貫君復到小號。謂僕似非急於需用者。(奇)向伊揭借。究竟是何原因。且怪僕有恐慌情狀。(自己不恐慌那怕人恐慌。)僕即以傳聞實告。貫君乃矢稱彼并無搖動情事。又無新近倒撻。必係因信昌落架。為行家所排擠。其實不同股東。現在付揭比較。尙足抵有餘。籌借千兩。本非難事(自稱不難)惟恐流言所播。到收者不止一人。顧此失彼。頗為可慮。誼屬同人。(責以同人)昨應借之千兩。今日恕不能應交。(應而不交自先失信)俟付項到期。一實送還等語。(一席話顯供自己有事而力為肩任)僕謂確係需用。既承應允。何可誤我。貫君云。恐當晚不應。則更啓足下疑惑。(是自惑久矣)總之彼此道義相孚。(責以道義)請暫向別籌。到期定必如數交還。毋庸更事恐慌也云云。(三番肩任)綜觀貫君以上之舉動。之言論。不待智者已洞見其虛。問通例辦法。本該設法追討。派人坐收。况彼自稱借交本非難事。可知尙多欺存。乃付思誼屬同人。彼更身贖社長。又經責以道義。復承關君晃埠。為之關說。即情知彼號有事。亦當設法維持。乃克符協羣之社章。而踐維繫之宗旨。諒不肯以社長行偽編。以同人為傀儡。視社章為毛芥。以名譽為犧牲。乃再向貫君切實聲明。無論貴號有無搖動。務祈經手肩任。到期惠還。貫君仍說自然如此。勿庸恐慌而去。(再四肩任)至十五日。探聞關君有經手。及兩宜軒付在該店款項。均經貫君通知。着其到店收回。(顯然危象)僕即再囑晃君。據晃君意。亦欲僕亟向其追討。僕猶說十二日經貫君担任。僕已允到期收還。今不閱二日。又遽行追討。

未免失信。(踐守道義自謂至盡)仍先婉見君。函詰貫君店事之究竟。與夫肩任敝款之實在。而貫君延不復函。後由關君往訪。亦不會面。(虛情畢露矣)十六日僕迫得揮字。再求貫君借用日息。自忖有既前約。虛實均應答覆。乃貫君對舍伴。仍說現在未便。一於俟到期交還二語。至十六午後。即接穗興請益函約矣。統計以上情形。僕之對於貫君。自問竭誠相待。而彼之待僕。曾未得有半句實言。在貫君要忠於第一生命之店事。即不能兼全友誼。(此貫君自道語)亦不該假道義為毒醜。藉社長售偽騙。且是晚察閱該店數部。據存現銀。尚有二千七百餘兩。(能應交敝借者一)又有出。十七日還款千餘兩。(能應交敝借者二)乃父江之翁。由初旬至十外。出支掛借千餘兩。(能應交敝借者三)况關俞二君與僕。同等社友。何至偏重若此。是貫君待僕。可謂別具肺腸。而僕之對於股東。何從置辯。諒僕者。目為順情誤己。不諒僕者。目為徇私害公。更恐愚僕者。笑為貪餌上釣。據貫君現稱。目下雖對不住。而終歸對得往等語。雖非切實。而凌厲逼人。衆耳共聞。似可無懼。但既往如此。未來可憂。雖撻欠事屬尋常。僕則不該崇社過甚。蓋僕因聞名而入社。因入社而識荆。因識荆而被累。審此事之與社。本無關繫。而究竟與社前途。有不成為極端之關繫也哉。僕為公為私。均應將詳盡情形。披露同人。敬討公論。扶苗去莠。執法繩奸。是所切望於首重道義之社長之同志。

論維持報之成否有關本社之盛衰

威如

客問主人曰。協羣商業研究社之辦商業維持報。子非創辦者乎。曰然也。現象何如。何以至今猶待招股乎。此舉果能底於成否。曰客奚此之問。客曰。嘗聞子言。貴社社員。類皆熱心慷慨之士。凡事有益於公者。莫不殫殫贊助。倚馬成功。今辦報非大有

益於公。爲一勞永日之良策者耶。且斯報之辦也。章程可稱完善矣。矧以社友之衆多。兼之招羅外界。勢力可謂大矣。集此區區微款其成固可立而待。惟予恐將來成緒迄無。虛延時日。蹈吾粵人虎頭蛇尾之特質。勇於前。畧於後。竊爲諸君子懼也。夫社會之得彰名于地球上。實勢力爲之。報、勢力之基礎。影響甚大山。想諸君子之辦之。殆亦思一彰其名。而爲勢力的上立一實在基礎矣。故吾初聞子辦報。不禁拊額而爲貴社賀曰。貴社之名。可得而彰矣。迨一月有餘。舖未聞建也。股猶未足也。又不禁狐疑而爲貴社惑曰。何貴社之散渙歟。得無有不贊成者乎。誠然。斯報休矣。貴社且休矣。夫辦事羣斯有濟。假內有不贊成。必生阻力。縱不生阻力。事終難成。未聞內生荆棘。而外可成功者。一國然。一家然。一社何獨不然。誠然也。貴社其委靡不前乎。故亟問能底於成否耳。余曰噫嘻。子何觀舉二萬金如是其輕耶。報之成否。雖未可料。成固可也。不成吾十一人當之。何關於全社大局耶。客仰而笑。起而去。余俯而思。驚而覺客言之非謬也。

嗚呼。本社丁斯萌芽時代。經濟維艱。籌款固爲最要急之務。幸同人頂力担任。莫不樂於捐輸。雖然。此不過從權之計。日久必疲矣。故不能不籌一勞永日之策。若事無成。後起無繼。銳氣銷於無形。熱心歸諸烏有。則懈怠之心生。渙散之迹顯矣。社之盛衰。在此一舉。報之成。社之盛。報之敗。社之衰。縱不望乎報。可不關心乎社哉。既距躍倡議於前。尤望同人曲踊贊助于後。有心社事者。願無忽。

雜 錄

大 泡 禾 之 世 界

鈞 彝

天地之大。以大名者。實繁有徒。就人類言。括以四民。未得十一也。試舉其畧。盡地快活者曰大輓藕。滿身村氣者曰大番薯。一頭霧水者曰大懵星。也。都唔曉者曰大鈍屎。上當唔知者曰大笨象。有首無尾者曰大頭蝦。肥得累贅者曰大番瓜。被人搵丁者曰大羊牯。踢都唔鑿者曰大舊石。專塞門口者曰大坭罇。裝賭局騙者曰大老干。食人連骨者曰大口扒。(仄聲)兩頭咁潑者曰大葵扇。無時馴醒者曰大粒烟。挖手癩脚者曰大秤陀。反轉地皮者曰大飯割。一吓擾起者曰大銅壳。掉錢唔切者曰大花筒。老妓整戀者曰大姨媽。(平聲)嫖客稱叮者曰大傢伙。空口白話者曰大頂冰。(敢黯切)持道搵食者曰大揸揸。除錢無親者曰大荷包。一味詐諦者曰大白攬。遇事張惶者曰大喊十。草都算死者曰大算盤。駝累人客者曰大頭生。笑唔沃肚者曰大花面。越老越嫖(下平聲)者曰大水櫃。專搗牆脚者曰大戙。成日鞠氣者曰大頸瓜。好官自爲者曰大兜肚。衆人衆物則曰大板椽。壞蛋脚式則曰大灰蹄。開胃新伯則曰大把遮。臨時禮書則曰大德望。諸如此類。或以物誦人。或因人喻物。總之大而無當。以諷爲懲。應有四萬萬同胞。除了這拉雜如林之品流。求有大能大用者。己如鳳毛麟角。不謂種種色色而外。新近社會之最通行之譚號。又有所謂大泡禾。彼大泡禾者。是物是人。殊難索解。但見無里無市。無家無戶。凡以債事責人者。罔不詈之曰大泡禾。曰正大泡禾。是大泡禾者。殆爲作福不足。爲禍有餘之代表也。可斷言矣。獨怪罵之者空切齒咬牙。而受之者猶談笑自若。未聞有因人罵爲大泡禾。等視爲○○○之緊要。而衝冠攘臂也者。觀此。則大泡禾之名號。失之固不損榮。即得之似不爲辱。僕欠博。不知典所自來。姑就字義上一得之見。而解釋之。大者大也。泡者浮也。禾者穀也。蓋言穀之浮大無米。即秀而不實之註脚。空具形表。微特無補同羣。抑且牽累種族。斯足爲大泡禾之

像讚矣乎。由此推之。債事者。大泡禾也。害羣者。大泡禾也。誤國者。殆真正大泡禾。而無疑義矣。極目神州。有不嘆為大泡禾世界也哉。寄語日言興奮之同胞。慎毋甘居大而無當之林。尤願與一振大泡禾之魂魄。

微言

襄武

社費問題發生。彼曰何如。此曰如何。

彼將曰無寧若是。此曰有未善。此將曰無寧若是。此亦曰有未善。

語曰。凡事有利必有害。難盡善也。聚訟盈庭。彼此詰難。將置問題於不決乎。胡為者。

若是者。將無一議之可行也。是何如兩利相取其重。兩害相權取其輕。猶強就解決之為愈也。

何如如何。若此而已矣。

詩歌

某君夙嗜吟咏。以其鄉多盜之故。感慨無聊。蓋寄情於篇什。爾又讀其山居詩二首云。

雲臺

晦匿深巖遠俗塵。青松為友竹為鄰。陶公粟里閒耕稼。漁父桃源隱釣綸。閉戶幾曾編史帙。當途誰為剪荆棘。寄言彈匣干時士。奚似名山託此身。

門瞰清溪仰接峰。森森竹徑滅塵蹤。惡聞山外流泉濁。愛飲壺中春酒濃。倚杖雲深人採藥。扁柴晝永鶴眠松。茅廬若得酬三顧。局定隆中憶臥龍。

某君憂盜之念。蓋情見乎詞也。

商騙
小說 謀質店

(初稿)

礎 伯


阿甲既別黃與周後。晝夜在舖。盤桓賬房。咫尺不出門戶。賓客由是寡接。若高士隱者。閉門杜客然。商場最重交通。機關乃得靈動。而阿甲何爲若此。蓋阿甲沈靜遠慮中人。及不好交遊者也。每遇有事。思至再三。然後實行。况對於謀生理之重事乎。無怪其然矣。

其色慘淡。烟霏雲歛。其容清明。天高日晶。其氣栗冽。砭人肌骨。寒意蕭條。山川寂寥。發爲聲音。淒淒切切。呼號奮發。此何時乎。秋深也。阿甲對此情景。則細語作聲。曰。何寒乃爾。何寒乃爾。復昂頭屈指。曰。已七日矣。何來遲也。言既。甫坐。倏聞富廳門聲。海。振耳。頃聞履聲。蒙蒙向前來。心口相語。謂莫非黃某乎。雖不中不遠矣。儼覺擁門入。則頭頭諦視。遂欣然起立。曰。望子久矣。請坐請坐。此即黃某也。

黃某曰。今日異常栗冽。街道爲之冷淡。甚矣秋氣之逼人。貴體畏寒否乎。阿甲曰。是李寒冷。倍於客歲。藐躬愧非菊梅之姿。能傲霜雪。惡得不畏。老哥貴幹畢乎。黃某曰。賤冗安已閣下於數日。曾見周兄否乎。阿甲曰。伊之有事歸故里。於數日未得之見。並之與老哥往磋商足矣。黃某遂翹首視壁上鐘。曰。將抵晝矣。道途有數里之遙。起行是其時矣。阿甲於是理裝。理畢。二人遂啓程。道阻且長。道阻且右。肩相摩。履相踐。且行且語。忽見一街。簷牙高啄。白石爛然。街道夷廣。人聲稀微。阿甲細認街名。顏曰。多寶大街。黃某顧謂阿甲曰。此地去楊某府上不遠矣。入街鬧。不數武。黃某駐足一宅。磚壁石夾。門作回形。皇皇然鉅室也。黃某舉手敲門。婢女出而啟之。黃某訊婢女爾某少在處否乎。婢女答曰。某少在處。請入坐矣。黃某則引阿甲。入至中堂。直上樓上。見衣裳楚楚之壯者三人。聚首烟榻。吞雲吐霧。窺見黃某。局乃散焉。有一人下樓先去。獨餘一人與阿甲通姓氏。此乃楊某也。

(仍未完)

圖時封築蘇



蕭齊桂陽郡圖

